

Allagaatilerisoq

Nunatta Katersugaasivia Allagaateqarfialu allagaatilerisussarsiorpoq - pingaarnertut akisussaaffigalugit Kalaallit Nunaata kulturikkut oqaluttuarisaanera aamma ilinniartitaaneq

Nunatta Katersugaasivia Allagaateqarfialu (maannamit naalisarlugu NKA) ilinniagartuumik allagaatilerisussamik sulisussarsiorpoq 1. september 2026 imaluunnit isumaqatigiissuteqarnikkut piaarnerpaamik tamatuma kingorna atorfinittussamik. Allagaatilerisoq makkuninnga suliaqarnermigut allagaateqarfeqarneq pillugu Inatsisartut inatsisaanni anguniakkanik naammassinneqataassaaq:

- Allagaatinik pisortat oqartussaasuineersunik suliffeqarfiutaanneersunillu suliaqarnermi iliusissanik ineriartortitsineq atorussanngortitsinerlu.
- Allagaatinik pisortat suliffeqarfiutaannit inuinnarnillu tunniunneqartunik tigusineq, passussineq aqqissuinerlu.
- Ilisimatitsissusiorneq ilitsersuusiortarlu.
- Pisortat suliffeqarfiutaanni oqartussaasuinilu toqqortaatinik nalunaarsuisarnermik toqqorsiveqarnermillu nakkutilliineq.
- Toqqorsisarnermut kasiilisarnermullu pilersaarusiortarnerit.
- Pisortat suliffeqarfiutaannik oqartussaasuinillu siunnersuineq aamma toqqorsineq, allagaatillu pillugit saaffiginntoqartillugu akissuteqartarneq.

Allagaatilerisup akisussaaffigissavaa immikkut suliassaqarfik 'Kalaallit Nunaata kulturikkut oqaluttuarisaanera aamma ilinniartitaaneq. Immikkut suliassaqarfik tamanna makkuninnga suliassaqarfiuvoq:

- Ilisimatusartunut allanullu allagaateqarfiup toqqortaataanik allagaatilerisup akisussaaffigisaaniittunik atuerusuttunut ilitsersuineq.
- Atuisut nalinginnaasumik apeqquteqaataannut akissuteqarneq.
- Immikkut suliassaqarfimmut tunngasunik ilisimatusaatinik ingerlataqarneq, annermik allagaateqarfiup katersugaasiviullu katersugaataannik tunngaveqarluni. Taamatut suliaqarnermut allagaatilerisup piffissap katillugu suliffigisassami 2/7-ia atorsinnaavaa, akunnerit suliartoqqusaaffiusinnaasut ilaanatik.
- Katersugaatit ilisimatusarnerillu pillugit avammut ingerlatitseqqiineq, tassunga aamma ilaallutik NKAmi allagaatilerisut katersugaasivilerisullu allat suleqatigalugit paasissutissiinermik suliniutit annertunerusut.
- Immikkut suliassaqarfimmut tunngassuteqartumut katersinermut, nalunaarsuinerlutik pissarsiariniarneqarsinnaasunngorsaanermullu iliusissaliorneq.

Ujartugarput tassaavoq ilittut:

- Inuiaqatigiit Kalaallit Nunaannittut, Kalaallit Nunaata oqaluttuassartaa kalaallillu kulturiat pillugit ilisimasaqarluartoq.
- Humanismemut inuiaqatigiilerinermilluunniit ilisimatusarnermut tunngassuteqartumik kandidatitut ilinniagaqarsimasoq.
- Kalaallisut oqaasilik, naqitatigut oqalunnikkullu qallunaat tuluillu oqaasiinik atuisinnaasoq.
- Pisortatigut aqutsinermik inuiaqatigiinnilu pissutsinik sungiussisimasoq, pingaartumik pisortatigut aqutsinermik.

Tamakkua saniatigut kissaatigaarput qinnuteqartoq:

- Pisortanut tunngasunik sulinermik sullissinermillu misilittagaqassasoq.
- Nalunaarsuinerlutik toqqortuinermillu misilittagaqassasoq.

- Allagaateqarfeqarneq pillugu inatsimmik ilisimasaqassasoq aalajangersakkallu allagaateqarfeqarneq pillugu inatsimmiittut inatsisinillu attuumassuteqartuni allaniittut, soorlu pisortat ingerlatsinerat pillugu paasitinneqarsinnaatitaaneq pillugu inatsimmiittut, paasissutissat inunnut tunngasut pillugit inatsimmiittut allaniittullu, naapertorlugit sulisinnaassasoq.
- Namminersorsinnaassasoq suleqateqallaqqissuullunilu.
- Allagaatinik allagaatilerinermillu soqutigisaqassasoq, matumunnga ilanngullugu paasissutissanik ujarlernermik.

Neqerootigaavut:

- Suliffeqarfimmi anginngitsumi pissanganartunilli suliassa qarfiusumi suliatigut ineriartornissamut periarfissaqarneq.
- Suliffeqarfik nammineq suleriaasissiorfiusinnaasoq ataatsimullu suleriaasissiorfiusinnaasoq.
- Suliffeqarfik pikkorissunik suleqateqarfiusoq.
- Suliassarpassuit ataatsikkoorsinnaasarput – aammali ukkataqarnissaq piffissaqarfiuvoq.

Aningaasarsiat atorfininnermilu atugassarititat

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Toqqagassamut tulluussarluarsimasumut ukiuni arlalinni misilittagalimmut, immikkut nalilersuereernerup kingorna, atorfininneq specialkonsulentit atugassarititaat aallaavigalugu pisinnaavoq. Ukiuni arlalinni pecialkonsulentitut misilittagalimmut, immikkut nalilersuereernerup kingorna, atorfininneq chefkonsulentit atugassarititaat aallaavigalugu pisinnaavoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Allagaateqarfiup pisortaa Vivi Noahsen telefonikkut 362336-mut emailikkulluunniit vivi@arkiv.gl-imut attavigalugu paasissutissanik allanik paasiniaasoqarsinnaavoq.